

تورک یوردی

[اون آلتنجی سنه]

تورک اوجاقلری مرکز لهیئتی طرفندره نشر اولنور.

جلد ۵

مارت ۱۹۲۷

نومرو ۲۷

کتابیات

ح . زینالی : آذربایجان آتالار سوزی — « آذربایجانی نرفیس و تنبع جمعیتی » نك
« خلییات بولمسی » نشر بانه — با کر ۱۹۲۶ — ۲۳۴ صیف

آذربایجان جمهوریتی داخلنده حرث تدقیقاتنک هرکون مزاید بروسعته اهمیتله دوام
ابتدیکنی ممنونیتله کوروپورز . برطرفدن معارف قومیسرلکی ، دیگرطرفدن « آذربایجان
تدقیق و تنبع جمعیتی » ، صوگرا « باکو » دارالفنوننک شرقیات فاکولتسی ، آذربایجان
ادبیات جمعیتی ، آذربایجان آرکه اولوزی قومیتسی کبی مختلف علم تشکیلاتلری طرفندن
یایلان نشریات ، کیت و کیفیت اعتبارله متمادی صورتده فوتله نمکده در . « باکو » به مختلف
سیاحلرمدده یاقیندن تدقیق فرصتی بولدیم بو کوزل و فیضلی فعالیتک محصللرندن بری ده « ح .
زینالی » نك « آذربایجان آتالار سوزی » عنوانی آلتنده اخیراً چیقان اثریدر .
« ح . زینالی » اون طقوز صحیفه لک بر مقدمه ده « خلییات » ک اهمیتنی و بالخاصه ضرب
مثللرک ماهیتنی واضح و مقنع برصوتده آکلاندقن صوگرا ، طوبلامش اولدینی آلتی بیک
آذربایجان ضرب مثلی نره لردن آلدده ابتدیکنی کوسته ریور . کوروپورز که « ح . زینالی »
بو خصوصده شیمدی به قدر یاپلمش اهمیتلی اهمیتسز بوتون مساعیدن ونشر یادن استفاده اتمشدر .
بو کتابده طوبلانان مالزمه نك تصنیفی خصوصنده اسکی « حروف هجا » صیراسنه رعایت
اولومعه سی بالخاصه شایان قیددر : حالبوکه - شیمدی به قدر نشرایدیلن تورکجه ضروب امثال
جموعه لری همان عمومیتله - وفیق باشانک و شناسینک اثرلری ده داخل اولمق اوزره - حروف هجا
ترتیبیه وجوده کتیرلشدی . . « ح . زینالی » نك تصنیفی حقنده قارئلره داها واضح بر
فکر و برمک ایچون اونک فاصل بر تصنیفه اتباع ابتدیکنی قیصه جه کوسته ره لم :
[طبیعت حقنده - کائنات حقنده - زمان حقنده - اقلیم و آفات سماویه حقنده - بالعموم حیات
ایچریسنده - اولدی و اولاجق - انسانک طبیعتله رابطه سی - دیریلک و اولوم - دنیا حقنده -
عمومیتله انسان حقنده - خارجی کورو و نوش : اشکال و هیوب - یاش و دورلری - صاغلاملق و خسته لق
حقنده - بدنی و روحی کوستریشلر و حادثه لر - دویفولر - اقبال و ادبار - احوال روحیه -
داخل دویفولر - اقتصادی حرکات - اعتیاد و حرکات - بختلیلق و بدبختلق - بالان ، یا کلیش ،

قباحت ، جنایت - تجربه ، بیلگی ، بھریک واسنعداد - انسانک همری و ثولمسی ، قهره
قونولماسی - مسلك و صنعتلر حفنده - او لوازمانی ، آلنلر واسلحه - حیوانلر - نباتات ..
ایکنجی قسم : انسان و جمعیت ، اجتماعی مناسبات - اقتصادی فرق و رابطهلر - اجتماعی
مؤسسهلر - عاقله مناسباتی - قانون شرع - برلر و آللر - اخلاق - دین و عنمنات [.
بو قسملری منعاقب ، مؤلف ، باشقا دیللرده بولونان و اورادن تورکجه به کچن سوزلره
ضرب مثل شکلنه کیرمیش مقایسهلره بر موقع آیریپور ؛ و اک صوکهده کوجوک بر لفتجه
علاوه ایدیپور . عمومیتله ضرب مثلره و بالخاصه یالکز آذربایجان دکل سائر تورک دیللرینه ده
عائد بر طاقم اثر نردن باحث ابی بر بیلوغرافی اثری انعام ایتمکده در . شهبه سز بر بیلوغرافیا -
بالخاصه آناتولی تورکرینه عائد قسم - اولدجه اکیمکدر ؛ و ضرب مثلرک طرز تصنیق
حفنده ده بعض مطالعات و تنقیدات یورو توله بیلیر . لکن ، هر نه اولورسه اولسون ، ابی
اوزون و زحمتلی بر سمیک محصولی اولان بو کوزهل اثر ، آذربایجان ضرب مثلری حفنده
شیمدی به قدر موجود اولان بوشلنی دولدورمقده در . کرک مؤلفنی کرک اثرک نشرینه
وساطت ایدن ، آذربایجانی تنبع جمعیتی ، فی صمیمتله تبریک ایدهرز .

کوبلی زاده محمد فزاد